

## BAKIOKO BARRIAK

### Leenengoz Bakion Ertzaintzaren Musika Bandaren saioa

San Inaxio eguna dala eta, 30 gizonezko eta 6 andrazkok osotutako Ertzaintzaren Musika Bandak garagarrilaren 3In jaialdia eskainiko dau Bentako plazan, arratsaldeko 7:30etan.

OARRA: aro txarra egonez gero, ekitaldia Zubiaurreko pabilioian egingo litzake.

### "Gure etxea"ko zaarren alkartea eta osasuna

Maiatzaren 26an osagile bat urrerátu zan Bakiora zaarrien entzumenen zelan dagoan aztertuteko. GURE ETXEAN egin zan azterketa ori eta ez jakon inori orregaitik ezelangotik dirurik eskatu. Batzuei audiometria bana egin eutsen osagileak.

Diagnostikoa egin ostean, bakotxaren esku lotu da gorrierari aurre egiteko salduten diran gailuak erostea. Au guztiau Bakioko Irugarren Adineko Taldeak eratu izan da. Talde ori orain dala emeretziko urteko San Jose egunean jaio zan.

Ordurik ona, talde orrek ainbat eta ainbat ekintza eratu izan dauz. Esaterako, udabarri eta udako egun bakarrek osterak; urte osoan, bost edo sei izaten dira.

Arrasti guztietan karta jokoan izaten dira erriko ainbat adineko GURE ETXEAN. Guztira, 250 bazkide daukaz alkarte orrek. Orrezaz ganera, osasunari buruzko berbaldiak be eratu izan dira bertan.

Eta urteroko abenduko bazkideen arteko bazkaria be egiten dabe. Ekintza guztiotan alkarteko bazkideak ez diran erriarrak be onartuten dabez. GURE ETXEAKO ateak goizeko amaiketarik gaueko bederatzia arte, udan amarrak arte, egunero dagoz zabalik.

### Kontuz, abiadea gitxitu!

50 km-ko abiadatik gora ibiltea galazota egon arren, jakina da erriko bide nagusian ibilgailuak bear baino abiada andiagoan dabilzana.

Daborduko, arazo onek bateri baino geiagori ikararen bat edo batzuk eragin deuskuz. Autoek orain baino astiroago ibili bear dabe bide nagusian, gura eta gura ez.

Ori dala eta, udalak bidetako beaeren ganean, an-oremenka, alango lurteko zerrenda makartxuak imini dauz, autoen abiadea gitxituteko asmotan, aurki.

Onetan udalaren guraria eta borondatea ontzat emon bear dira.

Ondorioak, barriz, bestelangoak izan dira, gure eritxi apalean. Berebilak leengo bestean arin ibiltzen dira orain be,

eta zerrenden ganetik igarokeran egiten daben zarateak bateri baino geiagori ez deuto gauean begirik batuten itzi izan.

Abiada larregiaren arazoa beste era batera konpondu bearko litzake, erriarren bizi kalitatean eragin okerrik izan barik, baina.

Udalak ori olan ulertuta, neurri ori bertan beera iztea eta beste neurri batzuk aztertutea erabagi dau, esaterako: Ertzaintza sarriago errian egotea, radarrak imintea...

Era berean, urigintza arloko arduradunak atsekabea azaldu gura deuse erriarrei zerrendek eragindako alame-na dala eta.

### Udatea eta osasuna: aretzan gogoan artu bearrekoak

Aretzan egoten diran ezbear eta larrionerik geienak gure ardurabakokeriearen ondorio izaten dira. Egin be, sorosleek iragarritako oar eta aolkuei jaramon gitxi egiten deusegu beti. Eta gero, gerokoak!

Ikurrin gorria goratuta dagoanean, orduan eta lagunik geien ataraten dabe itsasoko uretatik. Au da, itsasora sartutea galazota dagoanean, atan be.

Orregaitik, aretzara joaten diran erriarrek sorosleen esanak betetea bearrezkoa da. Ikurrin gorria goian dagoala eta uger egiten doanari ezin leioe, sorosleek, uretan sartutea indarrez galazo, ikurrin gorria egon arren.

Baina, gero, sorosleek, ganorabako a uretatik atarateko, curen bizitza arriskuan imini bear izaten dabe.

Osasun Sailak, urtean-urtean, ainbat aolku emoten dauz aretzan arriskuak saiestu, edo beintzat, gitxituteko:

- Sorosleen aolku eta esanak hete.
- Ikurrin gorria dagoanean, ez sartu uretan.
- Ikurrin beilegiagaz, kontuz ibili eta zuur egon.
- Uger egin ostean dutxatu.
- Ez loitu aretzea.
- Marmokak dagoanean, kontuz ibili uretan.
- Eguzkitik azala jagon.
- Zauriak jagon.
- Uretara sartuteko neurriak artu: astiro sartu,...
- Ez croan aretzara eguzkiak ondatu leiken jakirik.
- Atxetan ibilteko oinetako egokiak erabili.
- Kontuz eguzki-sartuagaz: burukoak jantzi, ura edan.
- Toailea norberak bakarrik erabili.

### Berba lapikoa

udate= udaldi, uda sasoa.  
gogoan artu= kontuan artu.  
ezbear= istripu, zoritxar.

## ALBISTEAK

sorosle= uretan edo aretzan arriskuan dagoanari lagunduteko dagoana.

aolku= burubide, gomendio.

galazo= eragotzi, debekatu.

saiestu= baztertu, alboratu.

marmoka= azkura andia emon eta aterkinaren anterea dauan itsas piztia.

jaki= jateko, janari.

eguzkisartu= berosartu, intsolazino.

toalla= oial, xukadera.

### Pastoral bi xiberoan

Aurten be, pastoral ikaragarri polita antzeztuko dabe Xiberoan Altzai-Lakarri errietako erritarrek, Junes Casenavek idatzitako AGOTA deritxon pastorala, atan be. Emonaldiok datorren abuztuaren lean eta 8an, domekaz, Altzai-Lakarrin izango dira.

Ez da, baina, aurtongo pastoral bakarra. Jokatu be, beste pastoral bat jokatuko dabe Urdinarbeko erritarrek, Etxahun-Irurik egindako IPARRAGIRRE izenekoa. Irailaren 26an eta urriaren 3an, Xiberoako Urdiñarbe errian.

### Eskolako gurasoen alkartea

Eskolako gurasoak jo ta ke ibili dira joandako bagilean. Zertan, eta errigintzan. Aor, osterantzean, eskolako seigarren mailako ikasleei, datorren urtean bertotik kanpo ikasi bear izango daben erriko umeei, egindako agur-jai gogoangarria.

Erriko ume guztientzako olgetak eta jokoak izan ziran an, baita guraso eta ikasleen arteko partiduak, antzerkitxu bat, eta abar...be.

Beioake emendik agurtuei etorkizunerako gure guraririk onena. Aor, beste aldetik be, gurasook eurok be eraturtako San Joan Sua eta orren inguruko sardin erreak, umeentzako olgetak, andragizonen arteko sokatira aupadea eta guzti.

Aor be, Gipuzkoako Azpeitira egindako osterea, Burdinbidearen Euskal Museoa ikusteko, lurrun-treanean ibilteko... eguna ondo emoteko. Urte askotan!

### Udaleku edegia euskeraz Bakion

Azkenengo urteetan ikusitako arrakastearen gorakadea dala-eta, aurten be udaleku edegia errian eratutea erabagi eben Bakioko Euskera Zerbitzu eta Kultur Etxeak.

Garagarriaren 19an asi izan da, ileko 30ean amaitu artean. Esan bear, 7 urterik 12 urtera bitarteko 24 umek, erriko zein udatiar, emon dabela izena.

Umeok aldi orretako astegunetan goizeko 10etatik arrastiko 5etara joan izan dira udalekura, gurasoen poztasunerako, joan be.

Ainbat gauza barri ikasi ez eze, olgau be gura izan daben beste egin dabe.

Umeok eurok be pozar<sup>r</sup>en, jakina.

Ea datorren urtean be antxe ikusiko dogun alkar!

## Gaztea aldizkaria

Urkizta eskolako ikasleek egin izaten dogu bertan euskeraz egiten dan aldizkaritxu ori. GAZTEA dauka izena, eskolako ikasle gaztetxuek egiten dabe-eta. Aldizkarian, erriko zein eritik kanpoko albisteak irakurri leitezke: Eskolea, Bakio, Euskalerrria, Kirolak, Mundua, Kulturea... sail nagusiak dirala.

Albisteak eta aldizkariaren diseinua era en-ezean aurkeztuten dabez, gaztetxuei jagoken lez.

Irakasleen zuzendaritza eta eskua aldizkaritxua aurrera atarateko bearrezko egiten dira, maketazinoa egiterakoan, esaterako.

Ale kopuru mugatua dau, ikasle eta beroneen gurasoen artean bananduten dabela. Ikasturtean zear ataraten dabe, lau-bost bider, geienez.

### EGA ikastaroa AEKn

Autongo udarako, EGA ikastaro trinkoa eratu dau Bakioko AEKk. Ikastaro au garagarri, abuztua eta irailean zear egingo da errian, orretarako ikasle kopuru naikoa izan ezkerakoan.

Osterantzean, Mungian egingo dabe. Interesatuta dagoanak izena emoteko onako telefono zenbaki oneetara deitutea baino ez dauka:

BAKION: Turismo Bulegoa - 94.619.33.95

MUNGIAN: Berteiz, 8 - 94.674.43.13

Beste alde batetik, sukaldaritza ikastaroa eratu dabe alkarregaz AEK eta Turismo Bulegokook errian.

Beraren sasoiaren barri iragarri eben lez, ikastaroa joandako garagarriaren 26tik 30era, arrastiko 5etatik 7etara, egin izan da Longarai jatetxean.

Ara joandakoek 5.000 pta-ko izen-emotea ordaindu bear izan dabe.

Ikastaroaren gaiak: «eguneroko otorduak zelan egin», «egun berezietakoak», «jakiak (okelea, arraina...) zelan erosi», «ardaoak noz eta zelan».

Irakasleak, Ainhoa Ormazabal, Kepa Freire, Itziar Insausti, eta Patxi Renteria bakiotarra izan dira.

### Azkenaldion euki doguzan erakusketak

Udaletzeko erakusketa aretoan urte osoan zear bein eta barriz danetariko erakusketa interesgarriak egoten dira ikusgai.

Eurok ikusten joaten diranak ostera erriko seme-alaba gitxi batzuk izaten dira. Esan leitezke beti berberak dirala bertara joaten diranak.

Au tamalgarria da. Egin be aalegintxua egiten dabe danetarikoak eta eurrez ekarten eta erritarren aldetik erantzuna sano motela izan da orain artekoan. Ez da ganera ara sartuteko dirurik eskatuten sartukerea doarikoa izaten da-eta.

Esate baterako azkeneko aldion errian euki doguzan erakusketetarikoan artean urrengo oneexek izan dira aitagarrienak:

—Maiatzaren 29tik bagilaren 10era «Eguzki bidezko asmakariak».

— Bagilaren 1 Itik 30era bitartean: «Eskulan ikastaroaren ikasleen bearrak».

— Garagarrilaren 1 etik 16ra «Akuarela erakusketea: Nati Alonso eta Rosa Marina».

## Bakio berbarik berba liburua salgai

Sasoia izan da gero! Baina bai liburua salgai dago dabor-duko.

Zegan? Ba 1.500 pezetan. Liburu txukun onek Bakioko euskerearen zati bat leba andiko zati bat, agertuten dau. Iñaki GAMINDE izkuntzalaria izan da egilea.

Egileak esan daroan lez oraindikarren Bakioko euskeraren beste zati andi bat batu barik lotu da eta TXIRRI-TXOLAREN lerrootatik bakiotarrei deia egiten deutse orretan arduratu daitezcan.

Leenago esan dogun lez liburua txukun-txukun lotu da Orretan Labayru Ikastegiaren eskua igarri da.

Esan bear be. Bakioko Udalaren laguntzino eta babesa erabagiorrak izan dirala proiektu au aurrera atara aal izateko.

BBKk be laguntzinoa eta babesa emon dauz.

Liburuaren aurkezpena garagarrilaren 10ean egiteko izan bazan be gaiaz zerikusirik ez dauken beste arrazoia-kaitik atzeratu bear izan dabe jakitera emon deuskuen garagarrilaren 30era arte.

Erosi eizue liburua, merezi dau eta!

Iniaki MARTIARTU

## Liburutegiaren txokoa

Monzó, Quim: Gauza guztien zergatia.

Ogeita amaika ipuinek osotutako liburu au da Quin] Monzó idazle kataluniarren idazlanik ezagunena. Ipuin bakotxean, istorio arrigarri edo bikain arilkatutako kontakizun bat dago.

Eguneroko bizitzako pertsonaia eta egokierarik arrunte-n aukeratzen dauz eta umore deformatzailea ixuriz, barregarri biurtzen dauz areek.

FILIPOVIC, Zlata: Zlataren egunkaria. Ain ezaguna dan Ana Frank-en egunkariaren modura, setiatutako Sarajevon, eguneroko bizitza eta sentimenduak isladatuz, neska baten ikuspuntutik gerraren ankerkeriaren barri izango dogu liburu orretan.

ETXALDE, Yon: Gorrotoa lege. Butroa eta Abendaño-ko jauntxoak alkar txikitu bearrean dagozala eta eriosuarrezko buruketan dabilzan artean, Jaun Matxin Olasoko altxatuko da basakeriaren erdian.

Liburu onek Bakioko Kultur Etxeko liburutegian irakurgu daukazuz. Erdu gurera!

## Erri ekanduak-jaietan 1

ANDRA MARI EGUNA Andra Mari egunez joaten ziran udaleko ordezkariak, alkatea eta zinegotziak, udale-txetik goiko eleizaginko ibilbidean, oinez eta dotore jantzita, meza nagusira joan be.

Erriko txistulariak bidea zabalduz joaten zirala, bigarren lekuan udaltzain bat joaten zan lepoaren ganean erriko ikurrina eroaten, eta gero. atzetik, udaleko kide guztiak.

Eleizan mezea entzutera sartu eta aldare nagusiaren ezker aldean, aurrez aurre eta zutunduta iminten eben erriko ikurrina.

Kontsagrazinoan, aurretuan erriko ikurrina kenduta, eleizpetik txistularien Agur Jaunak eresia entzuten zan.

Kontsagrazinoaren ostean, barrian iminten eben ikurrina leengo lekuan, meza amaitutakoan batu egin arte.

Mezearen ostean dantzak egoten ziran eleiz aurrean eta ardao gozoa eta gailetak eurrez bananduten ebezan erritarren artean.

Ekandu au guda aurretik zein ostetik urte askotan egin izan da Bakion.

## Erri ekanduak-jaietan 2

SAN JON DOLOZTXU EGUNA - Guda aurretik, San Jon Doloztxu egunean, eguerdian, sokako aureskuak egiten zan Bakion.

Ziriako Garai Ardantzako eta Raimundo Bilbao Aurrekoetxeko izaten ziran auresku eta atzesku, urrengorik urrengora.

Tabernalden egiten eben sokako aureskuak, erriko jaien barruan.

Dantzari biok eskua alkarrerri emonda, leenengo, aureskuak egiten eban dantzan, gero atzeskuak.

Ostean, andra bat ataraten eben eta areri aureskuak egiten eutson dantzan.

Urrengoan, beste andra bat ataraten eben eta atzeskuak egiten eutson dantzan. Gero, erria, andra-gizonak bikoteka, artean sartuten zan, zapi baten bitartez sokan alkarrerri oratuta (guda ostean, barriz, zapi barik eskua alkarrerri emonda).

Aureskuak eta atzeskuak, barriz, alboko andreari txapelaren bitartez lotuta egoten ziran.

Atzeskuak eta aureskuak dantzaldi bana egin ostean, danok jota eta porrusaldea egiten ebezan.

Gregorio Agirre Garaikoak be noz edo noz sokako aureskuan egiten eban, baita Ziriako Egia Egianekoak be.

## Erri ekanduak-jaietan 3

SAN JON DOLOZ EGUNA-Jon Bateatzaileari semea ebagi eutsoela-eta, antxineko ekanduari jarraituz, jai egun ori abuztuaren 29an egiten da Urizarretako (orduaz Oruezarreta) zelaietan.

Agiri zaarretan esaten danez, 1.495. urtean sortu ei eben San Jon Doloz eguneko leenengo erromeria Urizarretako zelaietan.

## ALBISTEAK

XVII. gizaldiaren erdirantza erromeri ori sano sustartuta egoan inguruetako biztanleengan.

Ordurako be, Bermeoko udala urtero joaten zan egun orretan Gaztelugatxera, ango jaubetzea artuteko.

Bertako eleizan mezea entzun, an egozan gauzen inbentarioa (daukagunik eta zaarrena L645. urtekoa da) egin eta Urizarretako erromerira joaten ziran eguna emoten.

Geroago, 1.927. urtean San Pelaio auzoak Bakiogaz bat egin ebanetik, Bermeoko eta Bakioko udalak urtero alkartu izan dira inguru aretara, ugartearen jaubetzea bermeotarrena dana ezagututeko.

Ostean, erri biotako udalkideek laguneren arteko bazkaria egiten dabe Urizarretan.

### Bakioko XIII. Musika Astea

Garagarrilaren 19tik 25era egin da, urtero lez, Bakioko Musika Astea.

Aurten amairugarrenez.

Barikuko ekitaldia izan ezean, beste emonaldi guztiak goiko eleizan egin dira, Andra Mariko eleizan. Barikuko ekitaldia, barriz, Zubiaurreko probalekuan egin da.

Entzule asko be asko urreratu da emonaldi guztietara, arteragoko urteetako arrakastea zeozelan sendotuz.

Zer esanik ez dago, Bizkaiko udako musika zirkuituan Bakioko Musika Asteak leenengoetariko leku bat lortu dauana, bai musikari eta eurek jo daben goreneko mailako musikearen aldetik, bai entzuleen aldetik be.

Musika Astea Bizkaiko Foru Aldundia ta Bakioko Udalaren babesaz eta Bakioko Abesbatzako kideen laguntzaz egin aal izan da.

Aurtengo egitarau orokorra urrengo auxen izan da:

Garagarrilaren 19an: Bilboko Kantu Lirikoaren Nazinoarteko Leiaketako irabazleen emonaldia.

Garagarrilaren 20an: Pablo de Naberan eta Alfonso Sebastián, biolontxelo-piano bikotea.

Garagarrilaren 21ean: «Virtuosos de Caracas» ganbara orkestra.

Garagarrilaren 22an: Sylvia Gutiérrez eta Cristina Sánchez, arpagitarra bikotea.

Garagarrilaren 23an: «Alboka» euskal folk taldea.

Garagarrilaren 24an: Bakio eta Mungiako Abesbatzak eta Bilboko Akordeoi Orkestra Sinfonikoa.

Garagarrilaren 25ean: Joaquín Atxukarro pianojolea.

Zapatuko emonaldia izan ezik, beste emonaldi guztiak arrastiko 8retan asi dira. Zapatukoa, ostera, arrastiko 8.30etan.

Egitarau au eratu aal izateko aurtengo aurrekontua 5,4 milioi pezetakoa izan da.

Bizkaiko Foru Aldundiak, 19 enpresa pribatuk eta Bakioko Udalak emondako diru kopuruei esker eratu aal izan da Musika Astea.

### Nazinoarteko folklore jaialdia

Garagarrilaren 30ean, ilundiko 10.30etan, Udalaren eta Portugaleteko ELAIALAI dantza taldearen laguntzaz,

ITXAS-ALDEkook urteroko Nazinoarteko Folklore Jaialdia eratu izan dabe Bakion.

Orretarako, Frantziako Landetatik NOUS CIGALOUNS DE MOURSEUNS, Quebecoko LES ECLUSIERS eta Txileko BALET FOLCLORICO DE CHILE BAFOCHI dantza taldeak ekarri izan dabez.

Errialde ezbardinetako dantzari zeatz koloretsuek munduko argitasunez jantzi izan dabe San Inazio aurreko gaua, ikusleen gozamenerako

Aurten be, bakiotar zein udatiarrak parra-parra agertu izan dira dantzaldira eta curen txalo beroek gualdiaren arrakastea eta egindako lanari oneritxia argi be argi itzi izan deuskuez.

### Euskal selekzinoen alde Bakion

Badago Euskalerrian euskal selekzinoen alde gogotsu bearrean dabilen lagun taldea, ESAIT deritxona.

Euskal kirol selekzinoak mundu mailan onartu daiezan, da izan curen elburu garbia.

Ori, baina, ez da lortuko, leenengo. euskal erritarrek elburu orreri oneritxia emon barik.

Aurrera darabilen kanpaina ori zeren ganean dan, erririk erri dabilz jo ta ke azalduten.

Oraingoan, bertoko Udalaren babes eta laguntzaz, Bakiora urreratu jakuz, joan dan abuztuko 10etik 15era urreratu be.

Eta zer ekarri dabe gurera? Iru gauzok:

Erakusketea: Udaletxean, abuztuaren 10etik 15era.

Maai ingurua: Kultur Etxean, abuztuaren 13an.

Kontzertua: Probalekuan, abuztuaren 14an.

Ekitaldiok asteko orduak sasoz emon ebezan jakitera.

Aurrean esandakoa ez eze, urrengo oneexek be ekarri deuskuez: erakusteko diran argazkiak, kirol jantziak, dokumental eta film batzuk, liburuak, CD-ak, jantziak salgai euki dauazan maaia, eta abar... Maai inguruan, kazetariak, jokalaria, agintariak, politikoak-eta izan doguz berbalari eta curen eritxiak guregaina ekarri dabez.

Kontzertuan, barriz, Gontzal Mendibil, Niko Etxart eta Joseba Gotzon euskal abeslariak artu dabe esku, Margarita Lorenzok zuzendutako Ganbara Orkestreak lagunduta.

Kontzertua ordu bikoa izan da, gitxi gorabeera.

Ori guztiori Joseba Gotzon sustatzailearen zuzendaritza pean.

Beioz TXIRRITXOLA egiten dogunongandik bertara urreratu zarenontzako zoriona eta eskerrak!

### Bakioko Abesbatza

Garagarrilaren 24an, Mungiako Abesbatza eta Bilboko Akordeoi Orkestra Sinfonikoagaz batera, Josu Loroñoren zuzendaritzapean, Jesus Guridiren EUSKO IRUDIAK eres-lana abestu eben abesbatzakook Bakioko Musika Astean.

Arrakasta andia jadetsi eben.

San Inazio bezperan be, garagarrilaren 30ean, eres-lan berbera Ondarroan abestu eben, egundoko txaloak jaso ebezala.

## Itxas-alderen albisteak

Azkenengo ileetan, ainbat ekitalditan artu izan dabe esku ITXAS-ALDEkook: ezkontza askotan, Bizkaiko eta Euskalerriko Dantzari Egunetan, Busturialdeko Dantzari Txikien Jaian eta Donibane Lohizuneko Udabarriko Jaian.

Garagarrilaren 30ean, Udalaren eta Portugaleteko ELAI-ALAI dantza taldearen laguntzaz, ITXAS-ALDEkook urteroko Nazinoarteko Folklore Jaialdia eratu izan dabe Bakion, orretarako Frantzia, Quebec eta Txiletik dantza talde bana ekarri dabela. Bakiotarrak, barrian, parra-parra agertu izan dira dantzaldira eta euren txalo bereok gaualdiaren arrakastea argi be argi itzi izan deuskue.

Beste alde batetik, Andra Mari Egunean, urtero lez, meza nagusiaren osteko eta ilundiko dantza emonaldiak izango dabez urte osoko ekintzarik nagusien.

Bertan, soinu eta irudi barriak eskaintzeko asmotan dabilz eta orretarako, danon aaleginak biderkatu egingo dira, emonaldiak erritar<sup>en</sup> gogoko izan daitezcan.

Orren ostean, oporrak etorriko jakez, unjan entsaietan barman asi arteari, beintzat.

## Kaleko II. pintura leiaketaren irabazleak

Bigarren urtez, bagilaren 19an egin zan Kanpoko Pintura Leiaketea gure errian. Irabazlea Jon Idigoras Mugerza (Ermua) izan zan eta 250.000 pta-ko saria eroan eban berarenera.

Basigo baserriari egindako akuareleak irabazi eragin euton leenengo saria. Bigarren lekuan, ban<sup>iz</sup>, Jose Ramon Guerra (Bilbo) lotu zan.

Onek olio egindako margokiak Basigoko uriauzoa erakusten dau, Andra Mariko eleizea erdi-erdian dagoala.

Onentzako saria 150.000 pta-koa izan da. Eratzaileen esanetan, aro txarrak ez eban bape lagundu eta, ori dala-eta, margolari gitxi aurkeztu el zan leiaketara.

Leiaketea Udala, Kultur Etxea zein Turismo Bulegoaren babesaz eta Bilbao Bizkaia Kutxaren diru laguntzaz eratu izan da.

Guztira, kalitate andiko 15 lan aurkeztu ziran eta erriko ainbat txoko eta leku ezagun erakusten dabe.

Aurkeztutako margokien kalitatea ikusita, udalak aurreikusitako egin dau 2.000. urteko udal egutegian 12 lanik onenak argitaratuteko aukerea.

## Bakio REEF PRO AM'99, surf profesionaleko Europako zirkuituko proba

Bakio Surf Taldeak leenengoz aurkeztu dau gure errian Europako zirkuituko surf profesionaleko proba bat. Orre-lan, garagarrilaren 23, 24 eta 25ean gure areatza ikuskizun

bikaina ikusteko lekua izango da. Izan be, Europako surfaririk onenak ikusteko aukera ezin ohea eukiko dogu. Bakio-ko Udalaren laguntza jaso dauan Bakio Surf Taldeak bakio-tar guzti-guztiak gonbidatu gura dauz areatzen gauzatuko dan ekitaldi onetara.

Ekitaldi onen garrantzia Sopela, Donostia eta, azkenik, Bakion egingo dan «Iruko Txapela» izeneko probaren barruan ikusi bearra dago. Izan be, iru leiaketako txapeldu-na Bakion egingo dan azken proban ezagutu aal izango dogu.

Azkenik, garagarrilaren 24ko arratsaldeko 8:00etan, zapatuz, Miss Reef 99 izeneko bikinien txapelketa egingo da; bertan modelo gazteak euren txokoa topatzen aalegin-duko dira modaren mundu leiaorrean.

Orre-lan, zapatuko ekitaldia amaitu ostean, zuen begira egongo gara Gabbianon egingo dan surf jaian, bertan Akatz Reegae Band taldearen emonaldia izango da eta

Uda onetako beste surf txapelketa batzuk:

Garagarrilaren 17 eta 18an: Lurralde mailako I. Proba.

Abuztuaren 1 ean: 16 urtetik beerakoentzako Billabong Surf Txapelketa.

Abuztuaren 14 eta 15ean: Lurralde mailako II. Proba.

Irairlaren 11 eta 12an: Lurralde mailako Talde Txapelketa.

Surf eta Body ikastaroak, Bakio Surf Taldeak antolatuak:

Ilabeteak: garagarrilean eta abuztuan.

Orduak: asteleenetik barikura goizeko 9:00etatik 11:00etara.

Prezioa: 15.000 pta. ilabete bakotzeko.

Asegurua: 3.000 pta. Urtebeteko baliozkotasuna.

Materiala barruan: taula eta boogie.

Argibideak: Turismo Bulegoan edo paratu artuemonetan Gontzal Mendiola, Iker Erauzkin, Sergio González edota Gabi Urrutia irakasleakaz.

## Non itzi dabe euskerea? Zertan dagoz, ba?

Urtero-urtero ikusten doguz onelakoak. Udea etorri ta blaust!, perretxikoak lez agertuten jakuz erderazko kartel arrotzak.

Ez ete dakie Bakio erri euskalduna danik, ala? Ba, sartukeran argi ta garbi dakar: BAKION ERE EUSKERAZ!.

Ba, olan eta guzti be, bapez.

Itsukeri-gorreri ori kenduteko gatxa be gatxa egiten jake, aurki.

Edo gugainako errespeturik eza da? Bakiora etorri eta euren kartel erdaldunez gure erria artu, olangorik! Inglesez urrengo errefrau au esaten da: «do as people do». Edo euskeraz: zoazan lekura zoazala, bertakoakaz bat egin!

INIAKI MARTIARTU